



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESIBILI (P2)

INDLOVANA/INDLOVULENKHULU 2014

EMAMAKI: 80

SIKHATSI: 2½ ema-awa

Leliphepha linemakhasi la-20.

TICONDZISO KULABAHLOLWAKO

1. Fundza lelikhasi ngembikwekutsi ucale kuphendvula imibuto.
2. Ungalifundzi lonkhe liphepha lemibuto. Buka lokucuketfwe ekhansi lelilandzelako bese ubeka lumphawu kulowo nalowo mbuto lobutwe ngetincwadzi lotifundze lonyaka. Emva kwaloko, fundza leyo mibuto lenetimphawu kuhela bese ukhetsa leyo lofuna kuphendvula yona.
3. Liphepha lemibuto licuketse TIGABA LETINTSATFU:

SIGABA A:	Tinkondlo	(30)
SIGABA B:	Inoveli	(25)
SIGABA C:	Umdlalo	(25)
4. ISIHLANU IMIBUTO lefanele uyiphendvule seyiyonkhe: ESIGABENI A imibuto mitsatfu (3), ESIGABENI B munye (1), ESIGABENI C munye (1) ngalendlela:

SIGABA A: TINKONDLO

Phendvula imibuto ibe MIBILI yeTINKONDLO LETIFUNDVWE EKLASINI.
Phendvula umbuto MUNYE ETINKONLWENI LETINGAKAFUNDVWA EKLASINI.

SIGABA B: INOVELI

Phendvula umbuto ube MUNYE.

SIGABA C: UMDLALO

Phendvula umbuto ube MUNYE.
5. KUKHETFWA KWETIMPHENDVULO TESIGABA B (INOVELI) NESIGABA C (UMDLALO)
 - Phendvula KUPHELA imibuto yenoveli loyifundzile kanye nemdlalo lowufundzile.
 - Phendvula UMBUTO MUNYE WENDZABAMBHALO KANYE NAMUNYE UMBUTO EMIBUTWENI LEMIFISHA. Uma ukhetse kuphendvula umbuto wendzabambhalo ESIGABENI B, uphocelelekile kutsi uphendvule imibuto lemifisha ESIGABENI C. Uma uphendvule imibuto lemifisha ESIGABENI B, uphocelelekile kutsi uphendvule umbuto wendzabambhalo ESIGABENI C.

Sebentisa luulu lwekutikhumbuta kute usitakale.
6. BUDZE BETIMPHENDVULO
 - Imibuto yenzabambhalo etinkondlwani kufanele iphendvulwe ngemagama la-190–240.
 - Indzabambhalo yenoveli nemdlalo kufanele iphendvulwe ngemagama la-340–390.
 - Budze betimphendvulo temibuto lemifisha bufanele buhambisane nelinani lemamaki labekiwe. Labahlolwako kufanele banganhlanhlatsi.

7. Fundzisisa kahle ticondziso letisekucaleni kwaleso naleso sigaba.
8. Tinombolo tetimphendvulo atihambisane naletu temibuto njengobe tinjalo ephepheni lemibuto.
9. Cala LESO NALESO sigaba ekhasini LELISHA.
10. Bhala ngesandla lesibonakalako nalesifundzekako.
11. Siphakamiso sekulawulwa kwesikhatsi:

SIGABA A: Lokungenani emaminithi la-40
SIGABA B: Lokungenani emaminithi la-55
SIGABA C: Lokungenani emaminithi la-55

LIKHASI LALOKUCUKETFWE

Lelikhasi litawusita bahlolwa kutsi bakwati kukhetsa imibuto labafuna kuyiphendvula ngaphandle kwekufundza lonkhe liphepha lemibuto.

SIGABA A: TINKONDLO

Tinkondlo Letimisiwe: Phendvula nobe nguYIPHI imibuto LEMIBILI.

INOMBOLO YEMBUTO	UMBUTO	EMAMAKI	LIKHASI
1. Mvunulo Yemhlaba	Umbuto loyindzabambhalo	10	6
	NOBE		
2. Ngihayel' Inkhondlo	Imibuto lemifisha	10	7
	NOBE		
3. Nkhosi Yemkhatsi	Imibuto lemifisha	10	8
	NOBE		
4. Ngivumeleni Ngihambe	Imibuto lemifisha	10	9
	NA		

Inkondlo lengakafundvwa eklasini: Phendvula nobe ngumuphi umbuto ube MUNYE.

5. Chawe!	Umbuto loyindzabambhalo	10	10
	NOBE		
6. Chawe!	Imibuto lemifisha	10	11

SIGABA B: INOVELI

Phendvula umbuto MUNYE.

7. Liphume Nebovu	Umbuto loyindzabambhalo	25	12
	NOBE		
8. Liphume Nebovu	Imibuto lemifisha	25	12
	NOBE		
9. Kubamba Letingelako	Umbuto loyindzabambhalo	25	14
	NOBE		
10. Kubamba Letingelako	Imibuto lemifisha	25	14

SIGABA C: UMDLALO

Phendvula umbuto MUNYE.

11. Kwahlwa Emini	Umbuto loyindzabambhalo	25	16
	NOBE		
12. Kwahlwa Emini	Imibuto lemifisha	25	16
	NOBE		
13. Umvuzo	Umbuto loyindzabambhalo	25	18
	NOBE		
14. Umvuzo	Imibuto lemifisha	25	19

CAPHELA: ESIGABENI B na-C, phendvula YINYE INDZABAMBHALO naMUNYE umbuto WEMIBUTO LEMIFISHA.

LUHLA LWEKUTIKHUMBUTA

Lelikhasi litawusita bahlolwa ekukhetseni imibuto labafuna kuyiphendvula ngaphandle kwekufundza lonkhe leliphepha lemibuto.

	TINOMBOLO TEMIBUTO	LINANI LEMIBUTO LEPHENDVULWAKO	THIKHA ✓
A: Tinkondlo (Tinkondlo letifundvwe eklasini)	1–4	2	
A: Tinkondlo (Inkondlo lengakafundvwa eklasini)	5–6	1	
B: Inovelı (Indzabambhalo nobe imibuto lemifisha)	7–10	1	
C: Umdlalo (Indzabambhalo nobe imibuto lemifisha)	11–14	1	
CAPHELA: ESIGABENI B na-C, phendvula YINYE INDZABAMBHALO NAMUNYE umbuto WEMIBUTO LEMIFISHA.			

SIGABA A: TINKONDLO**TINKONDLO LETIFUNDVWE EKLASINI**

Khetsa tinkondlo tibe TIMBILI kuleti letilandzelako uphendvule ngato imibuto letawulandzela.

UMBUTO 1

Fundza lenkondlo lelandzelako bese uphendvula imibuto letawulandzela.

Mvunulo Yemhlaba – JJ Thwala

- 1 Umuhle mvunulo yemhlaba,
- 2 Umuhle kuleto tindzawo
- 3 Lewuhlobise kuto ngentfobeko,
- 4 Buhle bakho buyababateka,
- 5 Buhle bakho buyamangalisa
- 6 Mvunulo yetimangaliso.

- 7 Umuhle mvunulo yemhlaba,
- 8 Umuhle luhlongw' emakhondvosini,
- 9 Umuhle nsikan' etigangeni,
- 10 Umuhle lutindz' etintsabeni,
- 11 Umuhle mhlang' emacentselweni.

- 12 Umuhle mvunulo yemhlaba,
- 13 Umhlaba bewuyovunulani
- 14 Kube bewungekho mvunulo?
- 15 Uyihlobisile imvelo
- 16 Ngebuhle bakho lobubabatekako,
- 17 Nangekuheha kwakho lokumangalisako.

- 18 Umuhle mvunulo yemhlaba,
- 19 Buhle bakho benanelwa
- 20 Tinyoni ngemaphimbophimbo.

Sonkondlo uayitsanza imvelo, ngiko nje abhale lenkondlo. Bhala indzatjanambhalo wesekele nobe uphikise lombono longenhla.

Budze bemphendvulo yakho abube ngemagama langabi ngaphasi kwala-190 kodvwa angabi ngetulu kwala-240.

[10]

NOBE

UMBUTO 2

Fundza lenkondlo lelandzelako bese uphendvula imibuto letawulandzela.

Ngihayel' Inkondlo – JJ Thwala

- 1 Ngihayel' inkondlo
 2 Yemhlaba wonkhe jikelele,
 3 Ivakale ngesigci lesihehako,
 4 Itsints' imiva nemitsambo,
 5 Itsints' imicabango lejulilile
 6 Ikhutsat' emandla nesineke
 7 Sekulwa nenjabho nendzangalo.
 8 Ngihayel' inkondlo,
 9 Inkondlo yemanoni emicabango,
 10 Lelets' intfokoto lemangalisako,
 11 Iletse kukhanyiselwa kabusha
 12 Engcondvweni nemphefumulweni,
 13 Ngiphile imphilo lensha,
 14 Ngincob' imphi letfunukako.
 15 Ngihayel' inkondlo,
 16 Inkondlo yenkhluleko yemphefumulo,
 17 Uyihaye busuku nemini,
 18 Ingilolotele njengemlolotelo ebusuku
 19 Ingikhutsate emisebentini emini,
 20 Ngijabule, ngigidze ngedvwana
 21 Ngobe ngingagawuli yembangandlala.

- 2.1 Ngabe sonkondlo umsebentiselani khefane (,) emgenci 23 kulenkondlo? (1)
 2.2 Caphuna umugca wenkondlo lapho sonkondlo asho khona kwekutsi lenkondlo lehaywako ite umkhawulo nemncele. (1)
 2.3 Sonkondlo uyatsanza kusebentisa imphindvwa etinkondlwani takhe.
 Fakazela lombono ngekucaphuna imphindvwa kulenkondlo lengenhla. (1)
 2.4 Yini lebangela sonkondlo lapha emgenci 18 atsi lenkondlo yenkhluleko? (1)
 2.5 Sisetjentiswe kahle yini sicatsanisi lesitsi 'busuku nemini' lesisitfolo lapha emgenci 19? Chaza. (2)
 2.6 Ngabe sonkondlo ubuvete ngayiphi indlela bunkondlo kulenkondlo nasibhekisa ikakhulu kulemigca yenkondlo lelandzelanako futsi ukwentelani loku sonkondlo?
 Ikhutsat' emandla nesineke
 Sekulwa nenjabho nendzangalo. (Imigca 6–7) (2)
 2.7 Wena utsi iluhlobo luni lenkondlo? Chaza. (2)

[10]

NOBE

UMBUTO 3

Fundza lenkondlo lelandzelako bese uphendvula imibuto letawulandzela.

Nkhosi Yemkhatsi – OA Bhiya

1 Bhalasha nkholi yendalo yonkhe!
 2 Bhalasha mbusi wemkhatsi wonkhe,
 3 Bhalash' etul' emafini esibhakabhakeni,
 4 Indalo yonkh' isuke ebumnyameni,
 5 Umhlaba wonkh' utfokot' ekukhanyeni.
 6 Bhalasha sibani semhlaba.
 7 Bukhulu bakho buyamangalisa,
 8 Kukhanya kwakho kuyajabulisa,
 9 Tandla takho tifana nebutjoki
 10 Tandla takho tibutjoki emehlwani
 11 Mani njalo sibani semvelo,
 12 Khanyisa njalo liso lendalo!
 13 Konkhe lokuphilako kusingatfwe nguwe,
 14 Konkhe lokufako kuboliswa nguwe,
 15 Bukhulu bakho buyesabeka ngemandla akho,
 16 Emandla akho ayesabeka ngebukhulu bawo,
 17 Kuyini lokungamelana naw' emhlabeni?
 18 Hlala njal' ubus' emhlabeni.

- 3.1 Yini lenkhosi yemkhatsi lekukhulunywa ngayo kulenkondlo? (1)
- 3.2 Tiveta bunkondlo buni letakhi letidvwetjelwe kulemigca yenkondlo lelandzelako?
- Bukhulu bakho buyamangalisa,
 Kukhanya kwakho kuyajabulisa (Imigca 7–8) (1)
- 3.3 Ngutiphi letandla nebutjoki ngekusho kwalenkondlo lapha emgceni 9? (1)
- 3.4 Ngabe sonkondlo umsebentiselani mabuta (?) lapha emgceni 17 walenkondlo lengenhla? (1)
- 3.5 Ngabe bukhona nje bunkondlo kulemigca yenkondlo lelandzelako? Sekela.
- Bukhulu bakho buyesabeka ngemandla akho,
 Emandla akho ayesabeka ngebukhulu bawo (Imigca 15–16) (2)
- 3.6 Wena usibona kwekutsi sikhetske kahle yini lesihloko salenkondlo? Ngani? (2)
- 3.7 Ngabe nawe uyavumelana yini nalombono lotsi loku lokukhulunywa ngako lapha enkondlweni kusibani semhlaba? Usho ngani? (2)
- [10]**

NOBE

UMBUTO 4

Fundza lenkondlo lelandzelako bese uphendvula imibuto letawulandzela.

Ngivumeleni Ngihambe – BS Khanyile

- 1 Ungangigayeli mphako,
- 2 Ungangiphatsisi mavi
- 3 Nginik' imvunulo kuphela
- 4 Ngiyihambe indlela yami ngedvwa.

- 5 Kutawutsambama nginyatsela,
- 6 Kubhunye lutfuli ngihamba,
- 7 Ngihambe ngingabuki emuva,
- 8 Ngihambe ngingashiyi tinsizi.

- 9 Ngivumeleni ngiye,
- 10 Kutawusa ngikudze
- 11 Emakhangala ngiwajubile,
- 12 Ngingasabonwa nangelukhalo.

- 13 Kutawutsi entsatsakusa
- 14 Nami ngitawube ngitseleka
- 15 Ngingakalambi futsi ngingakomi,
- 16 Khona ekhaya laBabe.

- 17 Ngitawuhlala endlini Yakhe
- 18 Ngihube emahubo enjabulo,
- 19 Ngidl' umoya loNgcwele
- 20 Ngiyekeleni ngihambe
- 21 Kwemhlab' akupheli
- 22 Kwemhlaba kuyahlupha
- 23 Ungigugisile ngingumdodovu,
- 24 Ngipheni imvumo ngihambe.

- 4.1 Ikhuluma ngani lenkondlo ngalokusobala? (1)

- 4.2 Wena ucabanga kwekutsi kubangelwa yini atsi sonkondlo akangagayelwa umphako lapha emgceni 1 walenkondlo? (1)

- 4.3 Sonkondlo abekusiphi simo nakabhala lenkondlo yakhe? (1)

- 4.4 Yini lebangela kwekutsi 'b' emgceni 16 kanye na-'y' emgceni 17 babhalwe ngabofeleba? (1)

- 4.5 Wena ngabe uyakukholwa yini naku lokushiwo ngusonkondlo kulomugca wenkondlo lolandzelako? Usho ngani?

- Ngiyihambe indlela yami ngedvwa. (Umugca 4) (2)

- 4.6 Ngabe lemigca yenkondlo lelandzelanako isembulelani nganaku lesikufundza lapha kulenkondlo lengenhla? Chaza.

Kutawutsambama nginyatsela,
Kubhunye lutfuli ngihamba,
Ngihambe ngingabuki emuva (Imigca 5–7)

(2)

- 4.7 Veta Iwakho luvo ubhekise kunankha emavi asonkondlo lesiwatfola kulenkondlo.

Ngitawuhlala endlini Yakhe
Ngihube emahubo enjabulo (Imigca 17–18)

(2)

[10]**NA**

TINKONDLO LETINGAKAFUNDVWA EKLASINI

Phendvula MUNYE umbuto kulena lelandzelako.

UMBUTO 5

Fundza lenkondlo lelandzelako bese uphendvula imibuto letawulandzela.

Chawe! – TB Thela

- 1 Geleta chawe lelingenamncele,
- 2 Geleta nemnotfo wakho,
- 3 Ugelete ubahawukelise bonkhe,
- 4 Ungabi nemona nakatwi
- 5 Kulabafuna kunatsa kuwe.
- 6 Uhlabene chawe!
- 7 Uhlabene ngelwati Iwakho lolwenabile
- 8 Lwenebe Iwajulukis' emadvodza nebatifi
- 9 Lwenebe Iwakhapha emadvodza timphandla.
- 10 Utsi lapho uhlokoma
- 11 Kwenanele ngisho netihosha.
- 12 Tinhlobonhlobo tetinyoni tikwesekele
- 13 Ngemav' ato lapholile
- 14 Nangemaphimbo ato ladvudvutako.
- 15 Wonkhe lonatsa kuwe uyeneliswa
- 16 Emangelet' akho ahlobile
- 17 Akukhanga usesekhashane le,
- 18 Atsi 'Wotani nitewunatsa
- 19 Sinatfo lesingumhlaba kini
- 20 Sicedza koma lesingungca embili.

Bhala indzatjanambhalo lapho uveta khona umcondvo lojulile lowetfulwa ngulenkondlo lengenhla.

Budze bemphendvulo yakho abube ngemagama langabi ngaphasi kwe-190 kodvwa kungabi ngetulu kwa-240.

[10]**NOBE**

UMBUTO 6

Fundza futsi lenkondlo lesembutweni 5 bese uphendvula imibuto lelandzelako.

- 6.1 Ngabe sonkondlo uyibhekise kubantu labanjani lenkondlo? (1)
- 6.2 Yini lebangela sonkondlo akhetse kusebentisa ligama lelitsi, 'emangeleti,' kulenkondlo? (Umugca 16) (1)
- 6.3 Phawu luni lwebunkondlo loluvetwa ligama lelitsi 'chawe' kulenkondlo? (1)
- 6.4 Kusho kutsini kutsi lolwati lwenebe lwajulukisa emadvodza? (Umugca 8) (1)
- 6.5 Ngabe bukhona yini bunkondlo lobumumetfwe ngunayi imigca yenkondlo lemibili lelandzelanako? Bhala bube bubili.
 Geleta chawe lelingenamncele,
 Geleta nemnotfo wakho (Imigca 1–2) (2)
- 6.6 Ngekubona kwakho, yini lefanele kwekutsi ummango uyente kute kwenetiswe tifiso tasonkondlo, nasifundza lenkondlo lengenhla? Chaza. (2)
- 6.7 Ligama lelitsi, 'umncele,' lapha emgceni 1 lisivetelani ngaloku lokufunwa ngusonkondlo? Chaza. (2)
- [10]**

SAMBA SIGABA A: **30**

SIGABA B: INOVELI

Kulesigaba kunemanoveli lamabili. Wena-ke khetsa ibe YINYE loyifundze eklasini lonyaka uphendvule ngayo.

CAPHELA:

Khetsa emkhatsini WENDZABAMBHALO NEMIBUTO LEMIFISHA kuleyo naleyo noveli loyifundzile. Kumele uphendvule nobe ngumuphi umbuto ube MUNYE *ngaley* *noveli* *loyifundzile*. Nangabe ukhetsa kuperhendvula umbuto wendzabambhalo kulesigaba, uphocelelekile kutsi ESIGABENI C uphendvule imibuto lemifisha.

UMBUTO 7: *LIPHUME NEBOVU – BB Malangwane*

Bhala ngengwijkhwebu letfolakala kulenoveli. Indzabambhalo yakho yesekel egetigameko letibange kutsi kube nengwijkhwebu. Indzabambhalo yakho ayesekelwe ngekucaphuna enovelini.

Budze bendzabambhalo yakho abube ngemagama langabi ngaphasi kwe-340 kodvwa angabi ngetulu kwe-390.

[25]

NOBE**UMBUTO 8: *LIPHUME NEBOVU – BB Malangwane***

Fundza letheksthi leyinceny e yendzaba bese uphendvula imibuto letawulandzela.

'Impela umthandazo unemandla!' kusho LaMagagula ngenhlitiyo. Wafisa sengatsi lamakhosikati lathandaza nawo ayambonisa lemihlolo. Kuye kwafana neliphupho kuchamuka kwemyeni wakhe emva kwesikhatsi lesidze kangaka.

'Nasi sigici babe,' kusho LaMagagula aphuma edladleni aphetse sigodvo lesesagcwala tintfuli ngenca yekutsi sasesingahlali muntfu. Empeleni kwase kuyintfo yekudlala bantfwana ngobe bona bangati kutsi sigici semnumzane yintfo lehloniphekile. Wagoba sidziya sakhe watsi kusesulasula emva kwekutsi asacale wesula lutfuli ngemshanyelo.

Sebabingelelene babutana nemphilo. Kwake kwaba khona kuthula lokwesabekako. Loko kuthula kwaze kwatsikanyetwa ngumntfwana lowevakala asatsi, 'Make ngubani lomunfu?' Asho akhomba uyise ngelugadlwana lolwalumnyama lutsite khwishi umhlabatsi. Emahloni lefikela Lushawulo amangalisa. Wadzinga umgodzi wekubhaca kulelihlazo lelingaka kwekutsi akasatiwa nabantfwana.

'Ngubabe Iona,' sekusho LaMagagula naye adliwa ngemahloni ngobe lomntfwana ngulona labengamati sanhlobo nje uyise. Laba labadzala nabo bese bamkhohlwa uyise. Loko kwenta kutsi atsi nobe atsi ubapha emaswijana uyise besabe kuwatsatsa kulomunfu labangamati nobe nguye yini Iona lohlala abefusa ngaye unina kutsi bantfwana labakhalako ubafaka esakeni ahambe nabo. Baphetsa ngako kunamatsela kunina nje lowaze naye waphatseka kabi ngalesento sabo. Kodvwa kube kufanele.

[Likhasi 50]

- 8.1 Uwasuselaphi LaMagagula lamavi latsi, 'Impela umthandazo unemandla'? Bhekisa imphendvulo yakho kusinye setakhwana letihambelana nalamavi. (2)
- 8.2 Lolugadlwana lolwalumnyama khwishi ngemhlabatsi luluphawu lwani ngekwesimo semnotfo walapha kaKhumalo? Sekela imphendvulo yakho ubhekise enovelini. (2)
- 8.3 Kuletheksthi lengenhla nyomula umusho lokhomba kutsi lenoveli icocwa ngumlandzi wesitsatfu longumatiwakokonkhe unlike sizatfu semphendvulo yakho. (2)
- 8.4 Beka umbono wakho ngalesento salabantwana baLushawulo sekwala kutsatsa emaswidi labanika wona nguyise, ubhekise kulesikhatsi lesiphila kuso. (2)
- 8.5 Chaza ngemasikonhlalo alomndeni waLushawulo nawufundzisia letheksthi lengenhla. (2)
- 8.6 Ucabanga kutsi esikhatsini lesinyenti ngabe yini lebanga ingcabano esitsenjini? Timphendvulo takho tibhekise esitsenjini saLushawulo. (2)
- 8.7 Umvundla tawuncandza embili kuLushawulo, njengobe abesalahle LaMagagula nje. Kwabangelwa yini loko? Chaza ubhekise kulokwenteka encwadzini. (2)
- 8.8 Nawufundzisia letheksthi lengenhla, uycatsanisa nendzaba yonkhe kulenoveli, ubona kutsi uyini umbono wembhali ngemmango lesiphila kuwo? (2)
- 8.9 Ngekwakho kubona ngabe liphutsa labani kutsi labantwana bangayati imihambo yesigici lapha kaKhumalo? Sekela imphendvulo yakho. (2)
- 8.10 Hlola sento saLushawulo sekuteka sitsembu njengendvodza yeLiswati. Imphendvulo yakho yibhekise emihambeni yesive seMaswati. (2)
- 8.11 'Lisinamuva liyabukwa'. Bhekisa lesaga emphilweni yaLaMagagula. (2)
- 8.12 Kube bekunguwe Tintfombi, lesento saLushawulo lasenta emva kwekubuya emkhayeni bewutawuhlangabetana naso ngayiphi indlela? Shano kutsi loko bekutakusita ngani. (3)

[25]

NOBE

UMBUTO 9: KUBAMBA LETINGELAKO – DE Nkosi

Bhala ngengwijikhwebu letfolakala kulenovel. Indzabambhalo yakho yesekel egetigameko letibange kutsi kube nengwijikhwebu. Indzabambhalo yakho ayesekelwe ngekucaphuna enovelini.

Budze bendzabambhalo yakho abube ngemagama langabi ngaphasi kwe-340 kodvwa angabi ngetulu kwe-390.

[25]

NOBE**UMBUTO 10: IMIBUTO LEMIFISHA****KUBAMBA LETINGELAKO – DE Nkosi**

Fundza leteksthi lelandzelako bese uphendvula imibuto letawulandzela.

'Loko kuhambisana nekukholelwa ebutsakatsini lekuyintfo lengingakholelwa kuyo,' kusho Lotifiso.

'Kukholelwa nekungakholelwa ebutsakatsini akusyo intfo lesingakhulum ngayo lapha, kepha kumele ukwati kutsi butsakatsi bukhona,' kukhuluma Khulumile.

'Bukhona bukuphi? Ungabukhomba uze unike nebufakazi ngabo?' kubuta Lotifiso.

'Emavi lengikushiya nawo ngaloku lesikhuluma ngako ngulawa: Kuto tonkhe tigodzi, tindzawo telive lakitsi, kuyafiwa kungcwatjwe ngeMigcibelo, ngeMasontfo nasemkhatsini neliviki. Uma ulandzela kutsi Iwo nalowo muntfu ushone kanjani, kulapho utfola khona kutsi ukhale ngenhloko kwase kuyamenela. Lomunye ukhale ngentsamo wagcina ahambile. Lomunye ukhale ngelunyawo yashaya. Lomunye ubike buhlungu belitinyo wagcina awufulatsele lomhlaba. Konkhe loko kungemalumbo-ke kufanele kucwaningwe futsi kukhulunywe ngako njengayo ingculaza,' kusho Khulumile.

'Ngiyakuva ke nyalo Khulumile. Loku lokhuluma ngako kutsinta luhlangotsi lolutsite esiveni jikelele. Luhlangotsi lolutsintsekako kumele ngabe aluyivali imilomo kepha luhlabi imikhos i kuhulunywe ngalesento lesibi,' kukhuluma Lotifiso ngemuva kwekunikwa tibonelo tetintfo letentekako emphilweni yebantfu.

'Uma sihlatiya kabanti imiphumela lemcoka naletfutfukisako, uphawula utsini ngekutsi uyicondzanise naMphikeleli naMagumeni njengebaholi betfu kulesifundzave?' NguKhulumile Iwo lolindzele kuva imiva nemibono yaLotifiso.

'Mphikeleli usibonelo lesihle sayo yonkhe imiphumelamcoka lesikhombisa, nawe ungufakazi waloko. Magumeni unemagalelo labanti emiphumeleni yesine neyeshombisa kuhela,' kusho Khulumile aveta imibono yakhe.

Ngivumelana nawe ngekutsi Magumeni ngumgcoki, ngumhlatiyi, ngumhleli nemholi welwati. Unemcondvo lojulile wekubuka umhlaba netehlakalo ngekuhlanganyela nekuhambisana,' kusho Lotifiso.

'Mphikeleli uphumelela ngemalengiso kuyo yomihlanu lempiphumela letfutfukisako. Magumeni ngimnika imphumelelo yelicophelo leisetulu kulemine nemalengiso emphumeleni wesine lotsinta kuhlwaya ngemfundvo nematfuba emisebenti.'

Kuyabonakala kutsi basifanele lesikhundla bobabili ngobe akekho lolinganiseka ngaphasi kwelicophelo leisetulu. Bobabili bantfu labagcamisa intsandvo yebantfu, tinchubomgom, imitsetfo, emasiko nemtsetfosisekelo welive.'

'Buholi lobufanele kumele besekeleke etidzingweni tebantfu. Buholi kumele bulwe nebuphuya, bugebengu, kuhlukunyetwa kwebantfu, kungafundzi, umbalandlati tifo nalokunye,' kusho Khulumile.

'Ngiyakuva ukhuluma ngekuhlukunyetwa kwebantfu, yini ndzaba ungatsi kuhlukunyetwa kwebantfwana nalabasikati?' kubuta Lotifiso.

[Likhasi 98–101]

- 10.1 Ngubani lombona asifanele kakhulu lesikhundla Khulumile naLotifiso labakhuluma ngaso kulenoveli. Usho ngani? (2)
- 10.2 Ngumuphi umtsetfo emtsetfwenisisekelo welive laseNingizimu Afrika lolwa nekungafundzi njengoba boKhulumile basho kuletheksthi lengenhla? (2)
- 10.3 Veta umlayeto lowetfulwa nguletheksthi lengenhla ubhekise kulokushiwo ngaMagumeni naMphikeleli. (2)
- 10.4 Lenkhulomo yaKhulumile lets 'butsakatsi bukhona' ngabe ingemaciniso nobe umbono? Sekela imphendvulo yakho ubhekise enkhulumeni yaKhulumile. (2)
- 10.5 Catsanisa lamavi aKhulumile latsi, 'buholi kumele bulwe nebuphuya, bugebengu, kuhlukunyetwa kwebantfu, kungafundzi, umbalandlati tifo nalokunye,' nebuholi lophila ngaphasi kwabo endzaweni yangakini. (2)
- 10.6 Letheksthi lengenhla iyahambelana nemiklamo yahulumende lesiphila kuye lomuhla mayelana nekuvikeleka kwemalungelo ebantfu labasikati nebantfwana. Sekela lombono ngekunika umklamo wahulumende lowatiko lohambelana nalenkhulomo lengenhla. (2)
- 10.7 Nakungatsiwa Mphikeleli unguplingisi losicaba, ungatsini wakho umbono? (2)
- 10.8 Phawula ngeligalelo lelifikwa nguletheksthi lengenhla ekutfutfukeni kwesakhiwo salenoveli. (2)
- 10.9 Impumelelo yaMphikeleli beyesekelwa bantfu labanyenti. Phawula ngeligalelo lelifikwa nguThishelanhloko kutsi Mphikeleli abe lapha akhona esiphetfweni salenoveli. (2)
- 10.10 Phawula ngemphumela walempumelelo yabomaGumeni naMphikeleli bese uyicatsanisa nesiphetfo salenoveli. (2)
- 10.11 Kukhuluma kwaKhulumile ngebutaksatsi kulenoveli bekentiwa luvalo. Chaza lenkhulomo ubhekise elukhetfweni Iwasosifundzave. (2)
- 10.12 Labanye bantfu bayabikelwa nasebatawuhamba emhlabeni balungise emaphutsa abo ngaphandle kwekucindzetelwa. Sekela lombono ngekubhekisa encwadzini. (3)

[25]

SIGABA C: UMDLALO

Kulesigaba kunemidlalo lemibili. Wena-ke khetsa ube MUNYE lowufundze eklasini lonyaka uphendvule ngawo.

CAPHELA:

Khetsa emkhatsini WENDZABAMBHALO NEMIBUTO LEMIFISHA kulowo nalowo mdlalo lowufundzile. Kumele uphendvule nobe ngumuphi umbuto ube MUNYE *ngalowo mdlalo*. Uma ukhetse kuphendvula umbuto wendzabambhalo enovelini, uphocelelekile kutsi kulesigaba uphendvule imibuto lemifisha. Uma ukhetse kuphendvula imibuto lemifisha enovelini, uphocelelekile kutsi kulesigaba uphendvule umbuto wendzabambhalo.

UMBUTO 11: KWAHLWA EMINI – JJ Thwala

Umdlalo lobhaleke kahle ngulowo losebentisa badlali lababumbene nesimonhlalo/sibekandzaba semdlalo wonkhe. Bhala indzabambhalo leveta kubumbana nobe kungabumbani **kwebadlali balomdlalo labamcoka** nesimonhlalo/sibekandzaba sawo. **Indzabambhalo yakho yibhekise ebadlalini labatsatfu kuphela labamcoka.**

Budze bendzabambhalo yakho abube ngemagama langabi ngaphasi kwe-340 kodvwa angabi ngetulu kwe-390.

[25]

NOBE**UMBUTO 12: KWAHLWA EMINI – JJ Thwala**

Fundza letheksthi lelandzelako bese uphendvula imibuto letawulandzela.

Ntfwasahlolo:	Uyangati mntfwanenkhosi. Kuhle kwatiwa bantfu labakhulu. Kusho kona kutsi nami ngitawulala umlalelafutsi sengimkhulu.
Makhosi:	Ninjani Ntfwasahlolo?
Ntfwasahlolo:	Sikhona tsine mntfwanenkhosi.
Makhosi:	Kuphila kwakho kusho kuphila kwami mngami.
Ntfwasahlolo:	Beyifunani lenyoka lenguSicongo lapha?
Makhosi:	Wambita ngenyoka yini ndzaba? Emavi lanjalo awakufaneli futsi angikawalindzeli kuwe. Usholani kutsi yinyoka lomuntfu?
Ntfwasahlolo:	Inyoka yinyoka, ngeke ibe ngumuntfu nobe nini. Inyoka inenhloko lesicebeledvu, lencane futsi lembi. Inengati lebandzako. Inemsila. Ayinatinyawo ihamba ihula ngesisu.
Makhosi:	Uyati kutsi umuntfu usuke umetfukile nawumbite ngenyoka? Usho kutsi abukho buntfu kuye, kodvwa unebulwane.

Ntfwasahlobo: Sicongo akusuye umuntfu, yinyoka. Abelapha nje, utfunywe kutsi atewutfolo kutsi umephi futsi utsini ngabo njengobe bahlala babutsene njalo. Khohlwa Sicongo, ushelele. Uyingoti ngendlela lemangalisako emphilweni yakho. Uze ungamfaki emajobeni akho nobe kunjani. Kuhleka naSicongo nje utawube utsenge kufa kwakho.

Makhosi: Utsini Ntfwasahlobo?

Ntfwasahlobo: Vani mine mntfwanenkhosi ngobe ngingena kuwo onkhe lamakhaya lakhona lapha eLusizini. Ngatiwa bantfwana nebantfu labadzala. Ngingena emitini lapho ubona khona kutsi batalelwe emcubeni, kulabadla imbuya ngelutsi, labacotfo nalabangaketsembeki.

Makhosi: Angeke ngikuphikise mngami ngobe angisuye umuntfu lohambako. Ngihlala ndzawonye sikhatsi lesinyenti. Manje angati kutsi kutsiwani ngami lapha emnyango.

Ntfwasahlobo: Yemukela loku lokushiwo ngimi. Loku lengikukhulumako akusiyo insimu, kodwva ngemaciniso lamsulwa.

Makhosi: Angikuphikisi Ntfwasahlobo ngobe nguwe lowatiko. Manje ubona kutsi kumele ngentenjani? Veta umbono wakho ngive Luvatsi Iwesive.

Ntfwasahlobo: Akabe khashane nawe Sicongo uyingoti. Akukho lokuhle lakufisela kona ngaphandle kwekufa nje kuphela.

Makhosi: Singenta njani kutsi azuzeke ehlukane naloku lakwentako, kepha abesendeleni yeliciniso?

Ntfwasahlobo: Inhlitiyo yakhe icine kakhulu futsi yimbi. Ngeke kubelula kumgucula ngobe butsi baNkhanise naNdzabenzi sewubudle kakhulu baze bangena engatini yakhe. Msuse eluhlwini Iwebantfu ngobe usilwane sibili.

[Likhasi 100–103]

- 12.1 Umbhali usebentise Makhosi lucobo Iwakhe kutiveta bunjalo bakhe. Caphuna inkhulumo yakhe Makhosi lapho ativeta khona kutsi ungumuntfu ionjani kuletheksthi lengenhla. (2)
- 12.2 Uvumelana kangakanani nekutsi Sicongo utfunyiwe kutewutfolo kutsi Makhosi umephi? Sekela ngalokwenteke emdlalweni. (2)
- 12.3 Ntfwasahlobo uhamba etinyatselweni taLotililo kuletheksthi lengenhla. Sekela nobe uphikise lombono ngekubhekisa emdlalweni. (2)
- 12.4 Wena ucabanga kutsi beyiyini inhloso yembhali ngekusibhalela letheksthi lengenhla? Chaza. (2)
- 12.5 Humusha emavi aNtfwasahlobo latsi 'Sicongo akasuye umuntfu yinyoka.' (2)

- 12.6 'Kungati kufana nekungaboni.' Fakazela lamavi ubhekise kuSicongo nelibandla lakhe. (2)
- 12.7 Bantfu labateyamanisa naMakhosi kusuke kukhona labafuna kukuzuza ekugcineni. Fakazela lenkhulomo ubhekise kulokushiwo nguNtfwasahlobo kuletheksthi lengenhla. (2)
- 12.8 Catsanisa simo sesikhatsi semnyaka lomdlalo lowenteka ngaso nendlela bantfu labatsatsa ngayo Ntfwasahlobo kulomdlalo wonkhe. (2)
- 12.9 Kunesakhiwana encwadzini lotsi ungasikhokha indzaba ichubeke nobe iphazamiseke ingasachubekeli embili. Utsini umbono wakho ngekubaluleka kwaletheksthi lengenhla. (2)
- 12.10 Humusha lamavi aMakhosi latsi 'kuphila kwakho kusho kuphila kwami mngami,' ubhekise esiphetweni salomdlalo. (2)
- 12.11 Phawula ngemphumelelo yembhali ekusiveteleni Ntfwasahlobo njengemlamuli kulomdlalo. Sekela ngeliphuzu LINYE ubhekise emdlalweni. (2)
- 12.12 Kube wena bewungulomunye webantfwana bakaNhlapho, bewungamela bani emkhatsini waMakhosi naNkhanise. Ngatiphi sizatfu LETIMBILI? (3)
[25]

NOBE**UMBUTO 13: UMVUZO – NS Nzima**

Umdlalo lobhaleke kahle ngulowo losebentisa badlali lababumbene nesimonhlalo/Sibekandzaba semdlalo wonkhe. Bhala indzabambhalo leveta kubumbana nobe kungabumbani **kwebadlali balomdlalo labamcoka** nesimonhlalo/sibekandzaba sawo. **Indzabambhalo yakho yibhekise ebadalalini labatsatfu kuphela labamcoka.** Indzabambhalo yakho ayesekelwe ngekucaphuna emdlalweni.

Budze bendzabambhalo abube ngemagama langabi ngaphasi kwe-340 kodvwa angabi ngetulu kwe-390. [25]

NOBE

UMBUTO 14: UMVUZO – NS Nzima

Fundza letheksthi lelandzelako bese uphendvula imibuto letawulandzela.

- Satile: Ngakhuluma naMaphahla wangitekela kutsi batalwa baba babili emaphahla, kwaba yintfombatane nemfana kepha ngelishwa wendza lona lomunye. Libito lakhe-ke lisuselwa ekutalweni kwakhe.
- Batjele: Batali bawacamba ngekuhlakanipha emabito lamanyenti. Sakhile watalwa kunemsindvo lomkhulu wekususwa kwabo esigodzini lebebakhe kuso kutsiwa umsindvo waphakama kakhulu kepha ummango wafunga wagomela watsi wakhile angeke usuke kulenzawo. Yindzawo yalabadzala lenemagugu nemlandvo lojulile.
- Satile: Libito laSakhephi ngumbuto lowabutwa bantfu labadzala nababusa endzaweni lebebakhe kuyo. Ngaleso sikhatsi balwa imphi yekungagudlутwa. Kuleyo ndzawo kwavela umntfwana lowacanjwa ngekutsi nguSakhephi.
- Batjele: Mlandzeli wacanjwa ngetibongelelo tamkhulu wakhe lekutsiwa bebambita ngekutsi nguMlandzeli wetinkhomo temadvodza! Asati-ke kutsi abetilandzela nje kwente njani ngobe kuyavela etibongelelweni kutsi temadvodza atisito takhe. Kungenteka kutsi abetilandzela ngobe atelusa. (*Bahleke*).
- Satile: Kucanjwa kwemabito kumele kuhambisane nekwetindzawo, emave, imiwaco, tikhungo letehlukene, temfundvo, tenkholo, temidlalo naletinye.
- Batjele: Yinhabhayi leyo Satile! Nangabe ubuta bafundzi besifundzave sonkhe kutsi ngabe imiwaco yonkhe icambeke ngemagama lafanele yini, imphendvulo yabo itsi konkhe akukacambeki kahle.
- Satile: Nangabe kungakacambeki kahle nthule nitsini? Nguyiphi imitamo leyentiwako kutsi konkhe kucambeke kahle? Nangabe ingekho imitamo batukulu bayewunisola batsi nagoca tandla live lifa, life nihlahle emehlo.
- Batjele: Sicoce kamnandzi mngani wami sibonisana ngemfundvo nangemabito etfu. Lamuhla siyakwati kubaluleka kwemabito etfu ngekwemvelaphi nenshokutsi. Akuphunywe ingcina kuyewucaphelisa ummango wonkhe kutsi ulandzele etinyatselweni talabadzala ngekutsi ucambe emabito lamahle, lakhutsatako nalafundzisako.

[Likhasi16]

- 14.1 Nangabe sifundzisia kahle lenkhulumiswano yaBatjele naSakhile ngabe nguyiphi imiphumelamcoka labatawugcina bayizuzile njenekweluhlelo lolusha lwemiphumelamcoka? (2)
- 14.2 Lenkhulumiswano yaletidzandzane ngabe ihambisana ngayiphi indlela nesimo setepolitiki lapha eNingizimu Afrika? (2)
- 14.3 Ngabe leligama laSakhephi lingasifanelo yini lesimonhlalo salomuhla lapha eNingizimu Afrika? Hlatiya. (2)

- 14.4 Indzabuko nemihambo yebantu bemdzabu yeyeme emlandvweni nasemasikweni. Kulomdlalo ngabe umbhali usikhumbuta ngayiphi indlela? Bhala kube KUBILI. (2)
- 14.5 Hlatiya simonhlalo sesikhatsi kulomdlalo. (2)
- 14.6 Umdlalo lobhaleke kahle ngulowo lophetsa ngekutsi bangiswako abe lichawe lelingumncobi ekugcineni kwemdlalo. Ngabe lomdlalo uwufezile yini lomomo? Chaza. (2)
- 14.7 Lomdlalo uyatikhutsata tetsamelilwati kutsi tibe nelwati nelutsandvo lwemvelo. Bhala timbili tindlela latisebentisile umbhali ekuphumeleliseni leto tinhoso kulomdlalo. (2)
- 14.8 Bhala kunye lesekututfukile etinhlelwani temfundvo naticatsaniswa nemfundvo yangembikweNingizimu Afrika lensha, ubhekise emdlalwani. (2)
- 14.9 Umdlalo ungumbhalo wekwenteka kwetigameko tihambisane nenkhulumiswano emkhatsini webadlali bawo, kutfokotisa tetsamelilwati. Hluta kutsi ngabe umbhali walomdlalo uhlangabetene yini nalowo mgomo kulomdlalo. (2)
- 14.10 Umdlali longuSiwela kulomdlalo uphatselene nani nengcikitsi yalomdlalo? Hluta. (2)
- 14.11 Ludvweshu ngilo lolwenta umdlalo ube namdvonseni futsi uchubekele embili ute uyewufika esiphetfweni. Bhala tigameko LETIMBILI leticuketse ludvweshu lolube neligalelo lekuchubekisela indzaba embili. (2)
- 14.12 Lemphofana libonwa kamuva. Humusha lesaga ubhekise kusinye sigameko lesikulomdlalo. (3)
- [25]**

SAMBA SIGABA C:	25
SAMBA SAKO KONKHE:	80